



50







HARVARD-YENCHING LIBRARY
HARVARD UNIVERSITY
2 DIVINITY AVENUE

From *From Countway 236.*
OCT 31 1999

亦水玄珠第三十卷目錄

便毒

楊梅瘡

杖瘡

吠咬

風犬咬

蛇傷

瘰癧門

附馬刀

下疳瘡

金瘡

箭傷

砲傷



凍瘡

馬咬 猫咬 猪咬

人咬

瘦 瘤 結核

腸癰門 胃脘癰

痔漏門

湯火門

顛撲損傷門

赤水玄珠第三十卷

新安生生子孫一奎著輯

便毒 疝瘡 楊梅瘡

夫便毒生於小腹下兩腿合縫之間其毒初發寒熱交作腿間腫起疼痛是也夫腎為作強之官所藏者精與智也男女大慾不能直遂其志故敗精搏血留聚經隧乃結為便毒矣蓋腿與小腹合縫之間精氣所出之道路也或觸景而動心或夢寐而不洩既不得偶合陰陽又不能忘



情息念故精與血交滯而成腫結也初起切不可用寒涼之藥恐氣血愈滯不得宣通反成大患惟當開鬱散氣清利熱毒使精血宣暢則自然愈矣

生生子曰按前論蓋思想無窮所願不遂者設也此固一說而意猶未完果如此論當僧尼孀婦宮人曠夫多有此患然予目擊商賈中野合不潔淫妓便搆此疾或疝瘡或楊梅者亦由慾火內熾一旦交合不潔為淫火沖動膚腠開通是以受毒初發之時慎不宜以敗毒之藥瀉之何也毒邪非虛不入若復虛胃氣則毒邪下陷治之非彌年累月不愈也捷法只宜發汗其次利小便膚腠所感之邪汗易散也陰莖腿縫皆肝經絡肝腎主下焦又肝主小便使毒邪從小便中出所治皆順也故治之不旬日便可奏功若曾已發汗利小便躰厚邪固而不得宣通者乃以破毒活血調氣之劑攻之俟毒氣宣通隨以補劑托之亦不失先後着也此予歷試良驗特

附于斯

便毒之劑

退毒散

治便毒腫結

穿山甲

蘸醋炙
焦五錢

木猪腰子

醋微炙
三錢

為末每服二錢食前老酒

調下

次以醋煮肥皂研膏敷之妙

木猪腰子
即木猪苓

雙解散

治便毒內蘊熱氣外挾寒邪精血交滯

腫結疼痛

桂皮

川大黃

白芍藥

澤瀉

牽牛

炒取
頭末

桃仁

去皮炒
各二錢

甘草

一錢

分做二帖生姜五片

煎食前日二服先小便快熱從小便出以大便

利皆是稠毒

敷藥方

治便毒腫痛

雄黃

乳香

各一兩

黃柏

一兩

為末新汲水調敷腫處自消

括萋散

治便毒等惡瘡

括萋

一箇
去皮

牛旁子

炒

金銀花

各三錢

生姜

甘草

各半兩

右忌銅鐵器槌碎以酒一大碗煎數沸空心溫

服微利為度

三物湯

治便瘡

牡蛎

大黃

山梔子

各等分

為末酒水一大盞煎七分空心溫服露一宿九妙

四神散 治便毒初起寒熱欲成癰疽服此神效

大黃 木鱉子 姜蚕 貝母 各二錢半

用酒水各一鍾煎至一鍾食前熱服若得汗下

為妙

止痛妙絕飲 治便毒腫硬不消不潰疼痛無已

此方一服立能止痛

人參 五錢 大黃 五錢 酒水各一鍾煎至一鍾入

乳香沒藥末各一錢空心食前服

曾經瀉後而痛腫如故者此胃氣已弱但當補托

胃氣使氣血充實邪乃消釋已潰者亦以此補

之生肉

人參 黃耆 各一錢 粉草 五分 防風 五分 柴胡

五分 當歸 一錢 赤芍 五分 桂枝 四分 白芷

棗一枚水煎服

立消散 消便毒癰腫如神 全蝎 炒

栝朮 去壳肉只用隔膜炒 等分為末空心酒調下三錢

下午再服三日全愈

消毒五聖湯 治便毒腫疼神効

五靈脂 白姜蚕 鬱金 貝母 大黃各三錢

酒水各半煎服連服三帖立愈

下疳之劑

七寶栴柳散 玉莖疳瘡或漸至蝕透久不愈者

栴柳 密佗僧 雄黃 輕粉 黃連 黃栢

朴硝 各等分為末先將葱白漿水洗淨軟帛

挹乾如瘡濕乾搽如乾少油調搽

玉粉散 疳瘡痛不止 密佗僧 寒水石

滑石各半 膩粉 射香各少 右為末油調

敷濕則乾搽

金銀花散 治下疳 金銀花 荆芥 朴硝

蛇床子 甘松 白芷 栴郎 每用五錢水

煎加葱白二根數沸盆盛先薰後洗一昕上藥

敷藥 妙方 多年墻上白螺壳炒竹蛀屑等分

研極細每一錢入梅花片二厘敷此藥就不痛

先以川椒芽茶飛鹽煎湯八小口瓶內將玉莖

插入瓶中先熏後洗

治下疳 象皮燒灰存性如乾用油調敷瘡上
補遺疔幹瘡 用黑油傘紙燒灰出火毒傳于瘡
上便結靨甚妙

治外疔陰瘡 抱鷄蛋壳 黃連 輕粉

各等分為細末用煎過清油調敷

楊毒瘡之劑

初起者宜清表之 荆芥 防風 升麻 葛根

甘草 川芎 蟬退 當歸 柴胡 酒苓

連翹 白蘚皮 皂角刺各八分 猪胰子二錢

先以土茯苓四兩煎湯浸煎前藥七日見効

又方 癩蛤蚧三隻去腸雜入雄猪肚內亭麻扎

縛水煮極爛食之蛤蚧亦听食三五次除根

又方 嫩羊七八斤一隻者 如常宰治去腸雜

以土茯苓一斤槌碎入腹中亭麻縛定水煮極

爛听食湯准茶淘飯絕妙服此後其毒皆發

出頭面俱腫五日後自消七日全愈

神應散肥皂挾燒存性五錢另研為末

荆芥 何首烏 天花粉 防風 苦參

各一 薄荷葉錢五 共為末 每日用新鮮白

土茯苓八兩雄猪肉四兩肥皂前末藥五分 共用

水七碗煮爛去渣其肉听食湯准茶服不過十

日全愈再無他餘症 如善肉者可作大劑與

之

擦藥方 極佳 水銀 明丸各一 杏仁

大黃各二 膽凡錢三 俱為細末用香油拌勻

擦手心脚心前後心每日擦三次不可見風擦

至七日口中熱氣出或喉嚨作疼乃藥力到也

以後解毒藥二帖除根 防風 荆芥穗

牛旁子 玄參 生地 連翹 黃芩 黃連

大黃錢三 白蘚皮各二 土茯苓兩四

水六碗煎三碗不拘時服

點廣瘡方 杏仁去皮 真輕粉各一 雄黃

辰砂各五 為極細末以雄猪胆汁調搽一日

三次三日愈

楊梅瘋 十年二十年筋骨風泡腫痛

土茯苓斤三 川椒錢二 甘草錢三 黑鉛斤一

青藤錢三

右以好酒入埕將藥用袋盛者服之妙

洗楊梅瘡方

臭梧桐 野菊花 金銀花

三味煎湯入旧馬桶內熏之一日二次有痔漏

加枸杞子

楊梅瘡并楊梅風方

川歸 防風 牛膝 羌活 甘草 木瓜

金銀花 皂莢子 熟地 川芎各一錢

土茯苓四兩水五鍾煎三鍾分三次服

加味遺糧湯 治楊梅瘡風毒及悞服輕粉癰瘰

骨疼痛不能動履者服此除根

防風 木瓜 木通 以仁 白蘚皮

金銀花各五分 皂莢子四分 如虛弱加 人參

當歸各七分 土茯苓二兩即仙遺糧也右以水

煎空心服一日三服輕者十日可愈重者必四

十日痊

楊梅漏

猪蹄子湯 治楊梅漏 牙皂去皮 麻黃

防風 連翹 地黄各三分 牙硝一分 土茯苓

雄猪前蹄一隻水三碗同藥煮熟听食湯
亦盡喫半月全愈

又方

皂角

錢五

金銀花

錢五

土茯苓

兩四

大肥皂枋燒存性為末每用三厘前藥煎熟調

膏藥

猪油

熬去渣
一兩

加香油

錢三

同熬离火稍

冷加乳香沒藥各五錢攪勻再入狹兒茶七錢

攪勻又入冰片一分輕粉五分射香一分待冷

做膏藥貼之

十全大補湯加防風與前方相兼服之庶虛弱者

易收功也凡漏瘡膿水既多故屬不足治宜補

卷為先

金瘡

治金瘡血不止

半夏

風化石灰

鬱金

右為末摻上血即止

又方以風化石灰韭葉嫩者同搗入搗血調和

成餅風處陰乾為末傅之血止亦無痕若無瘡

血亦可

崔氏

療金鎗刀斧傷破血不止

風化石灰一升千葉紅石榴花半斤搗成餅如上法陰乾為末摻之

潔古 刀箭傷 乳香分五 沒藥分三 俱為細末 摻之極能止血止痛

又方 生晚蚕蛾風化石灰二味搗勻成餅陰乾為末傳之極能止血生肌定痛

本事方 治金瘡血不止 血竭為細末摻之立止生肌

華佗方 治惡瘡金瘡刀斧傷

上好降真香為末傳之入水並無傷痕絕妙

鬼遺方 治金瘡腸出欲入之磁石滑石各三兩為細末白米飲送下方寸七日再服

杖瘡

鬼代丹 受杖不痛 無名異 乳香 沒藥

地龍去土 自然銅煨醋 木鱉子去壳

各等分煉蜜為丸彈子大溫酒化下一丸任打不痛

乳香散 治杖瘡神效 自然銅醋淬七錢 乳香

沒藥各三錢

苗香四錢

當歸五錢

為末每服五

錢溫酒調下

若受杖後腹中痛或發熱及杖瘡痛甚如火以鷄鳴散下去惡血立愈

潔古沒藥散 治杖瘡止痛極佳且令瘡不移

密佗僧 乳香 沒藥各一兩半 乾胭脂一兩半

膩粉兩半 為細末入盞花冰片一錢或五分燒

葱與全羊骨髓同搗研如坭攤在緋帛上貼之

妙

又方 生地黄 黃栢 童便加韭菜汁調敷

又方 不破者 以韭菜葱頭杵貼冷即易之

膏藥用紫荊皮乳香沒藥生地黄大黃黃栢之類

又方 用野苧根嫩者不拘多少洗淨同鹽搗碎

敷上神效傷重者多用鹽

杖瘡丹 此方佳妙不可言 劉寄奴末六錢馬

鞭草末四錢蜜調敷如潰者乾摻之

丹溪云 杖瘡用黃栢生地紫荊皮敷此皆要

藥也若血熱作痛宜涼藥去瘀血為先須下鷄

鳴散

凍瘡

張子和曰經云寒瘡流水俗呼為凍瘡或經年不愈者用野中淨土曬乾以大蒜研如坭捏作餅子如大觀錢厚量瘡大小貼之以艾火加于餅上灸之不計壯數以坭乾為度又易濕餅子灸不拘多少直灸至瘡痂竟痛痒是瘡可治也然後口含漿水洗漬用雞翎二十莖縛作刷子于瘡上刷洗淨以此洗刷不致肌肉損傷也用軟

帛拭乾以木香煑即散敷之如夏月醫之更妙治凍瘡用茄根燒灰淋水洗淨再用雀兒腦髓塗之

又方 用蜜佗僧為末以煎熟桐油調敷

羅太無如神散 治凍瘡皮爛不可忍

用川大黃為末新水調掃凍瘡上痛立止

張子和治女僮足有凍瘡令服舟車九瀼川散大下之遂愈人或疑之戴人云心火降則寒消何疑之有

冬月脚折皮裂行步疼痛 以温湯洗拭乾將黃
蠟一兩融化投松香末三分攪勻每用少許安
刀頭上熔化滴入折中經宿即愈神效
又方 五倍子為末以牛骨髓填縫內即好
治脚指縫爛瘡 搗鷓鴣時取鷓鴣掌黃皮燒存性為
末湿則摻之

犬咬

凡犬咬須以人尿洗淨以頭垢傅傷處又用熟牛
糞塗于外

衍羨方 用杏仁爛嚼罨傷處以帛縛定立好數
數驗過 紫蘇葉嚼碎塗之亦好

又方先以鹽水洗用葶麻子去壳以井水研成膏
貼傷處 虎骨屑敷之亦好

又方 黃荊葉罨瘡上即安
又方 煨生姜乘熱擦之尤妙

犬咬破傷風腫 人參於桑柴火上燒成灰傅之
良愈

羅太無蟬花散 治夏月犬傷及諸般損傷蛆虫

極盛臭惡不可近者

蛇退皮一兩火燒存性

蟬蛻錢五

青黛錢五

細辛二錢半

右為細末每

服三錢酒調下如六畜損傷成瘡用酒灌下如犬咬傷用酵子和服其蛆皆化為水蠅子不敢再落其上又以寒水石末乾摻上

風犬咬

羅太無定風散 治風犬咬先口嚼漿水洗淨用

綿拭乾貼藥更不再發大有神効

天南星生 防風等

為細末乾上再不潰膿功

雞盡述

濟世方 治風犬咬用桮菹壳半箇將野人乾糞填滿以榆皮蓋定罨於傷處丹以艾於桮菹上灸之二七壯即愈永不冉發 或用野犬糞灸仍拔去頂上紅髮

癩狗咬方 用斑猫七枚去頭足翅以糯米少許於新瓦上同炒以米黃香為度去米不用以班猫研碎好酒調下能飲酒人再進一盃看傷上下服當日必有毒物從小便出如小狗狀如未

下次日再進如又不下又進之以毒物出為度
若進至七服毒不下亦無害矣服藥後腹中
必不安小便壅中刺痛不必慮此毒為藥攻將
下耳痛甚者以蕪青一匙煎甘草湯送下即止
如無蕪青以黛亦可疾愈後急以香白芷五錢
雄黃二錢半為末搗碎自然汁湯酒調下去
班猫毒以此藥一匙之葱白卷傷處留小竅
出毒氣不可用酒洗之忌食猪羊及發風毒
物小兒量減半服之能治食癩狗肉致

病者治同即愈或過二三年再發治亦如前

浴癩狗所傷用班猫二十一枚去頭翅足用粳米

一勺先將七枚入米內微火炒不令焦赤去此

班猫換新班猫七枚入前米內炒令班猫色變

復去之又換新班猫七枚如前法炒以米出青

烟為度去班猫不用以米為末以冷水入清油

少許空心調服頃又再進一服以小便利下惡

物為度如不利再進一服利後腹肚疼痛急以

冷水調青靛服之以解其毒否則有傷或煎黃

連水亦可不宜便食熱物或以益元散水調服
解之尤妙

又方 取小兒胎髮炒香為末傳用野菊研細酒
調服盡醉立効

又方 治癩犬所傷或經久復發無藥可療者用
之極驗 雄黃_{五錢} 射香_{五分}

研末勻用酒調二錢服如不肯服者則撚其鼻
而灌之服藥後必使得睡切勿驚起任其自醒
候利下惡物再進前藥則見効矣

風犬咬後毒發如狗叫者百方不治于化人場中
取頭頂骨燒末敷之立愈

風犬咬毒發如狗叫百方不應者以人骨燒末之
水下方寸七雞煩亂者亦効

又方 治風犬咬不急治則生小狗必殺人
雄黃 蟬蛻 等分為末調敷傷處立愈

虎傷人生葛根汁服妙并洗傷處 或用白礬末
納瘡口痛立止

馬咬 薄荷汁塗之妙

猪咬 松脂熔作餅貼之 或以黃連甘草節煎湯洗立効

箭傷

劉寄奴散 治箭傷及金瘡口用此並無疤痕右

劉寄奴為極細末搽之

又法 治箭鏃傷及金瘡傷

松樹老懸皮生為末風化灰煉紅和勻傅之救口止血神効

又法 治毒箭傷破欲死者 藍汁敷之如無用

靛青搽瘡口立効

又法 葉葉陰乾為末若急用焙乾亦可搽刀箭傷處佳

布智兒從元太祖征回回身中數矢血流滿躰太祖命取一牛剖其腹納之牛腹中浸熱血內移時遂甦

李挺從伯顏征郢州砲傷左脇矢貫於胸幾絕伯顏令剖水牛腹納其中良久甦 上二治出元史諸方書無載特揭附此

蛇傷

毒蛇沙虱所傷眼合口噤手足強直毒已入內急
用蒼耳草研汁和酒服渣厚敷患處

又治毒蛇咬 急取癩蝦蟆搗爛敷上帛縛之

又法 治蛇誤入人口中不出 用刀急破開蛇

尾將川椒一粒入內隨即裹籠縛之須臾就出

人咬傷

治被人咬破指頭痛不可忍久則爛脫手指并手
掌諸方書所不載 急用人尿入瓶將患指浸

在內一宿即愈 如潰爛者用尅蛇龜壳燒灰

敷之 若無龜以鱉壳燒灰敷亦可

癰瘰門 附馬刀 癭 瘤 結核

癰瘰者結聚成核初如菴粒漸成梅李累累相連

大小無定結於頸項夾喉之間增寒壯熱強痛

腫硬不消有風毒熱毒之異其候多緣忿怒氣

逆憂思悒鬱所致初覺便當服散散腫潰堅湯或

五香連翹湯漏芦湯之類散之或用大黃牡蠣

湯踈利三兩行瘡上可用十香膏之類貼之及

諸淋洗敷貼等藥治之庶得消散若不散可服
內消丸消之或隔蒜灸之

馬刀瘡亦生於項腋之間下脇延及陰勝形如瘰
瘻而長於瘻不可認作流注治之皆肝胆怒鬱
之所致也俱當清肝胆之火調氣開鬱以鹹軟
之劑附之繼以養氣血流動經絡之劑收功不
可徒務班猫等毒劑攻逐致成癆怯慎之
柴胡連翹湯 治男婦瘰癧馬刀瘡

柴胡 連翹 知母酒炒 黃芩酒炒 黃柏酒炒

生地 炙甘草各二錢 中桂三分 大力子一錢

瞿麥穗六錢 川歸尾一錢五分

右剉如麻豆大每服三錢或五錢水二大盞煎
至一盞去渣食後熱服

薄苛丹 解瘰癧風熱之毒自小便出毒後常須
服此

薄苛 皂角不蛀者去絃皮 連翹 蔓荊子 荊芥

京三稜煨 何首烏米泔浸

右為末好豉二兩半以米醋煎沸麤豉淹令軟

研如糊和丸桐子大每服三十九食後熱水下
每日一服病雖愈仍常服以消餘毒

神秘散 治瘰癧

班猫去頭足翅麵二十八枚

荆芥穗 直姜蚕炒去系帶

黑丑微炒取末各一錢

右為細末每服一錢五更好酒調下日中當取
下惡物如不下次日五更再進一服或更不下
第三日五更先食秫米粥一碗次服此藥其毒
決下如小便痛澁以葱茶解之或木通燈草煎

湯真之

楊氏家藏方頭晚先將活石末一錢用
米飲調服半夜時又一服至五更服神

秘散看虛實或二三錢第三日仍以灯心湯調
琥珀末一錢如小便痛用青黛一錢甘草湯調
下即止

蝙蝠散 治瘰癧多年不瘥

蝙蝠箇一 猫頭箇一 右同燒作灰撒土黑荳其

骨灰化為細末濕即乾摻乾則油調敷之內服

五香連翹湯効

白卷蛇散 治九漏瘰癧發於項腋之間或痛或

不痛

白卷蛇

酒浸去皮 骨焙二兩

生犀角

二錢

牽牛

半生半炒 一兩

青皮

五錢

右為末每服一錢入膩粉五分五更

糯米飲調服已時下惡物乃瘰癧之根也更候

十日再服一服忌發風熱毒物已成瘡者一日

便見効

四聖散 瘰癧服白卷蛇散轉利後此藥調之求

去其根

海藻 洗

石決明 煨

羌活

瞿麥穗 各等分

右為細末每服二錢米湯調下

清水盡為度

散腫潰堅湯 治馬刀瘡結硬如石或在耳下至

缺盆中或至肩上或於脇下皆手足少陽經中

及瘰癧遍於頰或至頰車堅而不潰在足陽明

經中所出或二瘡已破乃流膿水並皆治之卧

時服藥料酌病人飲食多少大便硬以意消息

治之

昆布

桔梗 各半兩

廣茂 微炒

京三稜 酒洗

連翹 各三錢

升麻 六分

黃連

白芍 葛根 各錢

歸尾 柴胡

甘草 各五分

龍胆草 酒洗炒 四錢

黃芩

酒洗一錢五分
一半生一半炒

右每服六錢先水浸半

日煎熱服于卧處伸足在高處頭微低每噲一

口作十次嚥至服畢依常安卧取藥在胸中停

留也 另配半料為細末煉蜜為丸荒苴大每

服一百丸或一百五十九就以此藥送下

瞿麥飲子 治癰瘰馬刀此方須久服乃効

瞿麥穗斤半 連翹斤一 每服一兩水煎食後服

海藻丸 治癰瘰生於頭項上交接名蛇盤瘰宜

當早治之 海藻菜蒿麥

白羌蚕微炒去

右等分為細末海藻菜旋炒研篩湯泡白盞取

肉減半用所泡湯為丸如梧子大每服六七十

丸食後臨卧米飲送下其毒自大便泄出若与

淡菜連服為妙蓋淡菜生於海藻上亦治此病

忌豆腐鷄羊酒麪日五六服

蜂房膏 治熱毒氣毒結成癰瘰

露蜂房炙 蛇蛻 玄參 蛇床子 黃芪各三錢

杏仁二兩 乱髮鷄子 飛丹 黃蠶各二兩

先將前五味剉細綿裹用酒少許浸一宿勿令

酒多用油半斤內杏仁亂髮煎髮消尽濾去渣
再煎然後下丹蟾再熬成膏傾倒於磁盆中取
貼瘡上一日一換

換即散 治氣毒癰瘰心膈壅悶不下飲食

換即 前胡 赤茯苓 牛蒡子炒各一兩 人參

只壳炒去白 沉香 防風各五錢 炙甘草二錢

每服五錢生姜一片水煎服

射干連翹湯 治癰瘰寒熱

射干 連翹 玄參 赤芍 木香 升麻

前胡 山梔仁 川歸 炙甘草各一兩 大黃炒

每服五錢水煎服氣盛加芒硝少許服之

括萎子散 治癰瘰初腫疼痛寒熱四肢不寧

括萎子 連翹 何首烏 大力子炒微

大黃炒微 皂角子仁 白螺壳 梔子仁

牽牛炒微 甘草生各一兩

為細末食後溫酒下二錢

內消丸 瘡腫初生及癰瘰結核熱毒鬱滯服令

內消大効

青皮 陳皮 牽牛 取頭末

薄荷葉 八

皂角 八兩不蛀者去粗皮槌碎水煮軟揉汁熬膏

右為末以皂角

膏和為丸荒豆大每服三十九食後荆芥湯下

皂角煎丸 治風毒癩瘰

皂角 不蛀者三十條內十條泡黑十條酥炙用十條水煮軟揉汁用

何首烏

玄參 薄荷葉 各四兩 右為末與前膏子同煉

蜜為丸碗豆大每服三四十九食後白湯下

紫胡通經湯 治小兒項間有瘡堅而不潰名曰

馬刀

紫胡 歸尾 生甘草 連翹 黃芩

牛旁子 京三稜 桔梗 各一錢半 黃連 一錢

紅苓 少許 水二中煎服此方亦治癩瘰乃是攻

裡內消之劑

消腫瘡 治馬刀瘡 黃耆 括萎根 各一錢半

連翹 三錢 歸尾 紅苓 少許 甘草 各一錢

右分作二帖水煎服

十香膏 治五發惡瘡結核癩瘰疔瘻疽痔

沉香 射香 各一錢 木香 丁香 乳香

甘松 霍香 零陵香 安息香 白芷 各五錢 為細末

川歸 川芎 黃耆 木通 芍藥 細辛

升麻 白欵 獨活 川椒 藁本 菖蒲

木別子 厚朴 商陸根 官桂 柏子仁

棗仁 松子仁 杏仁 各五錢 槐枝 桑枝

柳枝 松枝 各二兩 沒藥 輕粉 雄黃 硃砂

雲母石 犀角 血餘灰 枯礬 各二兩 另研末

真酥油 羊腎脂 猪脂 各二兩 飛丹 一斤

麻油 三斤 右如常法煎成膏藥以緋帛攤貼

如腸胃癰疽可作九子如梧子大每服七九空心溫酒吞

救苦勝靈丹 治馬刀挾瘦從耳下或耳後下頭

至肩或入缺盆中者乃手足少陽經之分野

其癰瘰在於頰下或至頰車乃足陽明經之分

野受心脾之邪而作也今將二証合治之

黃耆 一錢 護皮毛 實表補元氣 乃瘡家之聖藥 真漏芦 五分

人參 三分 補肺氣 如氣短 升麻 一錢 歸身 三分

葛根 五分 此三味俱是陽明本經藥 甘草 五分 能調中和 諸藥 瀉火 益胃

連翹一錢此散血結氣聚此瘡家之神藥也無者散此一味乃十二經瘡中之藥不可

牡丹皮中和血生血三分去腸胃生地三分如夏月倍用之補熟地各三分此

寒証涼血之藥也內桂能散結聚如陰瘡瘍用之此寒勿用因熱用之意又為陰寒覆蓋其瘡

用辛熱去之柴胡功同連翹如瘡不羌活錢

煩燥者勿用黍粘子腫三分無昆布二分味鹹若堅硬

京三稜炮二分廣茂用三分此二味瘡堅硬甚者

獨活辛溫如瘡在防風各一錢此二味勻羌活必開手足

用之烏能散結去上焦風邪助黃芪之功也黃連

炒三分治煩悶神曲炒一分食不麥牙錢消食健脾

益智仁吐食胃中寒者加之無則勿用厚朴

姜炒一錢二分黃柏炒三分如有熱或腿脚

如瘰脹加之右為細末湯浸蒸餅捏作餅

子晒乾搗如米粒大每服三錢白湯下如氣不

順加橘紅甚者加木香少許量病人虛實消息

之田令藥多妨其飲食此治之大法也如止在

陽明分者去柴胡黍粘子餘皆用之如在少陽

分為馬刀挾瘦獨活漏芦升麻葛根加瞿麥三

分 如本人氣素弱其病勢來時氣盛而不短
促不可因其平素宜作氣盛治之乃從病變治
之權也加黃芩黃連黃栢知母防已視邪氣上
中下擇而用之假令在上焦止用黃芩半酒洗
在中焦加黃連如在下焦加酒製黃栢防已之
類 如大便不通滋其邪盛者加酒製大黃利
之 如大便燥者加棗仁泥大黃 如風結燥
不行者加麻仁大黃以潤之 如風澁而大便
不行者加煨皂角仁大黃秦芫利之 如脉澁

覺身亦氣澁而大便不通者加郁李仁大黃以
除風燥 如陰寒症為寒結秘而大便不通以
局方半硫丸或加炮附子乾姜煎冰冷服之大
抵用藥之法不惟瘡瘍一家凡諸疾病氣素怯
弱者當去苦寒之劑多加人參黃耆甘草之類
以瀉火而補元氣餘皆倣此
玉燭散 和血通經能使癰瘰自消及治室女經
不行頸多結核

川歸 芍藥 大黃 甘草 熟地 芫稍

黃芩 川芎 各等分每服五錢姜三片水煎
服日進一服七八日効

治瘰癧未破者如神百藥不應者累効

杏樹葉陰乾為末五分 人中白煨為末二分半 蝙蝠焙乾為末

二分 白花蛇煨存性二分半 蜜蜂七枚焙

右將杏樹葉末用清水調再入四味末藥和勻

敷患處却將皮帛一張以針刺孔貼藥上如乾

用清水就帛上刷之每一晝夜換藥一次 如

面上發熱服清涼飲子數帖自退

敗毒瘰癧方神効

白膠香 海螵蛸 降真香用中心無土乾者 右等

分為末搽患處外以濕帛揜之一夕而退

已破者 蜜蜂一枚 蛇退七分半 蜈蚣二條端午收者

右用麻油四兩將前藥入油內以文武火熬成

入光粉二兩用棗枝七條如筋大者急攪候冷

出火氣七日方可用帛攤貼

已上二方乃鄭義門累驗者不須服藥貼此五

七日便消

海藏方 治項後側少陽經中疔瘡不辨肉色不

問大小及月日久遠或有赤硬腫痛

生山藥去皮 革麻子一枚 右研勻攤貼之如神

丹溪云山藥生者能消腫硬極佳極佳

清涼餅子 生山慈姑 良姜 等分搗為餅

之能散去寒熱 或以生慈姑磨調酒服大妙

此藥大能散瘰如神

本事方 治瘰癧鼠瘻

鱗蛎皮瓦上炒研為末加輕粉乾敷

治頸上核塊動者 夏枯草末六錢 甘草末一錢

右和勻每服一錢至二錢茶清調下

肘後方 治頷下瘰癧如梅李大宜速消之

海藻一斤 酒一升 浸數日稍飲之

文武膏 治瘰癧

棠椹黑熟者二斗以布袋絞取汁瓦器中熬成

膏白湯化下一匙一日三服紅者晒乾為末白

湯調服

結核 獨形而小核者

劉守真云結核者火氣熱甚則鬱結堅硬如菓中核也不須潰發但熱氣散則自消

丹溪云結核或在頸項在臂在身如腫毒者乃痰注於皮裡膜外之間結聚而不散也問其平日好食何物吐下後用藥散之

結核在頸項方

直羌蚕炒

大黃酒浸

青黛

膽星

各等分

右為末蜜丸噙

結核在下頰

二陳湯加連翹防風川芎酒芩蒼

朮皂角刺羌蚕射香行太陰厥陰之積痰使結

核自消甚捷

濟世方 治頰下結核不消經驗方

大蜘蛛不拘幾枚以好酒浸之研爛同浸酌酒

去渣臨卧溫熱服之

海藏 生山藥草麻子方佳方在瘰癧門

瘰氣 氣結於項久留不去而項為脹大

丹溪曰瘰氣先須斷厚味

海藻

洗一兩

黃連

二兩

右為末以少許置掌上時時舌舐之津咽下如

消三之二須止後服

又方 黃柏二兩 海藻一兩 不用黃連亦佳

治瘰氣結核磊之腫硬 昆布一兩 洗去鹹為末

每用一錢綿裹於好醋中浸過食之咽津藥味

盡再噉之

肘後方 治頸下卒結囊欲成瘰 海藻一斤 洗過

酒浸飲之

破結散 治五瘰極佳 麥麵四分 松蘿 半夏

貝母 海藻洗 龍胆草 海蛤 通草

昆布 枯礬各三分 右為末酒服一錢日三忌

鯽魚猪肉五辛生菜毒物二十日愈

玉壺散 治三種瘰 海藻洗 海帶洗 昆布

雷丸各一兩 青鹽 廣茂各五錢

右為末煉蜜丸芡實大噉化

人參化瘰丹 海帶洗 海藻洗 海蛤 昆布

四味皆焙 澤瀉炒 連翹各一兩 猪靨 羊靨各一枚

右為末蜜丸芡實大臨睡噉化一二丸忌油膩

寶金散 治瘰氣無不瘥

猪羊靨十對 煖水洗去脂 海藻洗 海帶各三兩

丁香 木香

琥珀 研

射香

研各一分

珍珠

研五錢

右先将各味為細末配和勻再重羅過每服一

錢熱酒一盞調服夜睡時須垂頭而睡 若童

男女十服効 大人一日見効有孕者忌之

海帶丸 治癭久不消 海藻 貝母 陳皮

青皮 各等分

右為末煉蜜丸彈子大食後噙化

一丸大効

治癭氣神効方

海藻

海帶

昆布

蒲黃 錢

猪鬃子

五枚 焙乾

右為

細服二錢半臨睡以酒

服且不用枕頭三日

無擇曰癭多着於肩項瘤則隨氣凝結此等皆平

數深遠浸大浸長堅硬不可移者名曰石癭皮

色不變者名曰肉癭筋脉露結者名曰筋癭赤

脉交結者名曰血癭隨憂愁消長者名曰氣癭

五癭皆不可妄決破決破則膿血崩潰多致 天

癩

癩有六骨癩脂癩肉癩膿癩血癩粉癩膿癩即膠

癩也惟粉癩與膿癩可決餘皆不可決潰肉癩

尤不可治治則殺人

點瘤癩方神驗

素炭灰

束木灰

黃荆灰

桐殼灰

各二升半

蕎麥灰

炒

右以沸湯淋汁五

碗許澄清入班猫四十箇川山甲五片乳香水片不拘多少後入煎作二碗以磁器盛之臨用時入新石灰調成膏敷瘤上乾則以清水潤之其効若神

丹溪治丹瘤

草麻子去殼研入麵一匙水調搽

之甚妙

